

FEGL D'INFURMAZIUN PREVENTIV 2026

Preventiv dal chantun 2026 cun grond deficit ed augment da las expensas

Il custs totals s'augmentan il 2026 pli fitg che las entradas

Cun 3,1 pertschient resulta in ferm augment dals custs totals en il preventiv 2026. In dals motivs principals per quest svilup èn las contribuziuns a terzs (+7,4 %) La gronda part da quellas vegn pajada als fatgs socials, da sanadad e da furmaziun. Il custs da persunal dal chantun creschan dentant mo minimalmain (+0,1 %).

Volumen d'investiziuns da record

Las investiziuns nettas che vegnan finanzadas dal chantun, creschan ad ina valur da record da pli che 370 milliuns francs. In dals gronds projects d'investiziun è il Center da scola auta spezialisada dal Grischun. Cun +21,1 pertschient s'augmentan cunzunt las contribuziuns ad investiziuns da terzs fermamain (p.ex. contribuziun a la dischlocaziun da Brinzauls).

Spetgà in deficit cleramain pli grond

Las entradas s'augmentan cleramain pli pauc ch'ils custs totals. Tar las taglias sin las entradas mussan il sbassament dal pe da taglia da 5 pertschient per persunas natiralas e la cumpensaziun da la progressiun fraida in effect. Ultra da quai sa reduceschan las contribuziuns da la gulivaziun da finanzas naziunala ulteriuramain. Uschia importa il deficit dal preventiv 111,3 milliuns francs.